

tones ad Calend. Aprilis Anno 1467 coactum fuisse, in quo placuit ut certi probatique viri, 36 scilicet Curatores Reipub. ex singulis Ordinibus deligerentur, qui Rempub. constituerent & iuri ac iustitiæ providerent, quodeni scilicet ex Clero (qui unum Ordinem jam obtinebat) totidem ex Equitibus, & totidem juris ac Iustitiæ periti ex populo; fidemque Rex Regali dicto promissoque dedit ratum se habiturum quicquid illi 36 viri constituerent.

Atq; hæc quidem in genere ad Capevingiorum usq; tempora totius Reip. gubernandæ, Regniue administrandæ ratio fuit. Eaque recensuimus Officiarium Regni munera quibus qui præsunt vel funguntur, proprie Regni seu Coronæ administratores, Officiales vel Sapientes dicuntur, quales sunt cum primis illi quos publicum Concilium constituere diximus. Item *Pares Franciæ*, deinde *Connestablium*, *Amiralis*, *Cancellarius*, *Questor generalis Franciæ*, &c. Alii etiam omni tempore fuerunt Consilarii ac Officiarii Regii, qui privata ipsorum negotia curabant, Regique famulabantur aut ministrabant quales sunt *Camerarii* & alii *Ministri* & *Officiales Aulae Regiæ*.

Præter hæc publica munera instituta sunt successu temporis alia atque alia *Parlamenta juridica*, qua in re sciendum ad hæc ferè Capevingiorum tempora, & simplicem facilemque jus reddendi rationem, raræque omnino lites fuisse, quod vel hinc licet cognoscere, quod Rex Lodovicus cognomento Dives, qui regnavit circiter annum 1230 (ut ex Ionvillio, qui ejus vitam descripsit, constat) ipse vel controversias desceptabat, vel disceptandi negotium nonnullis è suo comitatu mandabat. Quod idem de Carolo Magno proditum est, qui vel dum calcearerur, lites dirimebat. Hujus lex talis in capitulari extat. *Hoc missi nostri notum faciant Comitibus & populo, quod nos in omni septimana unum diem ad causas audiendas sedere volumus.* Crescente deinde pravitate temporis, litium multitudine, primum Basilica magnifica Regis Lodovici Huttini, vel ut alii volunt Philippi Pulchri Imperio circiter annu 1292 ædificata est; Tum ex mediocri Iudicum numero tres Decuriæ factæ Magnæ Camerae, Inquisitionum & Postulatorum. Sed anno 1321 Rex Franciscus quartam deinde Camera 20 novis Consiliariis adjecit. Rursus idem Rex anno 1343 alios 20 creavit. Sed hic Iudicum conventus non fuit perpetuus & perennis ut hodie, sed indictivus, nec nisi certo Principis mandato exerceri solitus. Ad diem idem D. Martini, id est 2 idus Novem a Rege dictum proponebatur, quo Parlamentum inchoandi Iudicibus a Rege auctoritas datur.

Verum paulatim in tantum hujus Confessus, seu Parlameti auctoritas excrevit, ut nulla Regia Lex, nulla constitutio rata esset, nisi cujus illi Consilarii auctores comprobatoresq; fuissent. Deinde ut nullus tota Gallia Magistratus, non modo urbanus, verum & militaris esset, quem non ab illo confessu inaugurati, & apud eundem in leges jurare oporteret, tum ut ab eorum iudiciis appellandi jus non esset, sed ut eorum decreta & fixa essent, postremo quicquid potestatis, imperii, auctoritatis, penes publicum Consilium & Statuum parlamentum (cujus scilicet & nomen & auctoritatem obtinet) fuisse diximus, id totum in Senat um illum translatum fuerit.

Et

At

Palament